

## Calandreta qu'obreish las pòrtas

En 1979, qu'estó aviada la purmèra escòla Calandreta a Pau dab cinc mainats en los prefabricats de l'escòla de l'ipodròme de Pau, ara desapareishuda. Uei, Calandreta que son 60 escòlas, tres collègis (Montpelhièr, Pau e Tolosa), mei de 3400 eslhèves shens comptar los regents e milierats d'associatius qui s'i hèn tot dia a pala virada tà har viver las escòlas.

Lo projècte de Calandreta qu'ei definit per ua Carta qui fixa aquesta los principis comuns taus establiments Calandreta e subertot la lor mira : « L'objectiu de Calandreta qu'ei de transmèter la lenga e la cultura occitanas taus mainatges en tot assegurar la lor escolarizacion en occitan a partir de l'escòla mairau ».

De mei, « Los quate aspèctes : l'associatiu, lo lingüistic, lo pedagogic e lo de las practicas culturaus occitanas ne's pòden pas desseparar : qu'ei l'encontre deus quate qui ei identificat peu vocable « Calandreta ».

Com cada annada a la fin deu mes de març, las calandretas qu'organizan ua setmana pòrtas alandadas.

Qu'ac podetz notar d'ara enlà en lo vostre agenda : darrèra setmana de març, deu 25 dinc au 30 de març de 2019, ça-vietz dens las escòlas e lo Collègi Calandreta deu Bearn !

Las calandretas d'Artics, Beost, Lescar, Lis, Masèras-Lesons, Auloron, Ortès, Pau, Porciuas-Bocoa (au ras d'Arsac) e la petita darrèra d'Espoei que v'arcuelharàn dab hèra de plaser.

Qu'averatz la possibilitat de vièner en classa entà descobrir quin se passa l'immersion lingüistica en occitan e tanben la pedagogia « activa ».

Que podetz arretrobar la presentacion de las calandretas e los contactes [ací](#) o en anar suu site internet de la Federacion Departamentau de las Calandretas de Pirenèus-Atlantics : [www.calandreta-bearn.org](http://www.calandreta-bearn.org)

**De la maternelle au collège**  
Et si vous choisissiez l'immersion en occitan ?

Artix • BEOST • ESPOEV • LESCAR • LYS • MAZERES-LEZONS • O. LORON • ORTÈS • PAU • PORCIUAS-BOCOIA

**Portes ouvertes**  
Écoles Calandreta du Béarn  
**DU 25 AU 30 MARS**

Renseignements :  
**05 59 68 68 73**  
[www.calandreta-bearn.org](http://www.calandreta-bearn.org)

**Calandreta**  
Enseignement laïc immersif occitan